



Lugo, a 19 de xaneiro de 2011. O vindeiro **domingo 23 de xaneiro**, ADEGA Lugo lévanos a unha das terras máis prolíficas de Galiza en poetas e escritores, homes e mulleres de palabra: **A Chaira**

. O roteiro, inserido dentro do programa de rutas pola lingua de ADEGA deste curso 2010-2011, contará coa presenza e colaboración de Marica Campo, quen nos guiará pola ruta da auga de Guitiriz. Podes descargar o mapa do roteiro nesta

[LIGAZÓN.](#)

Dedicamos este roteiro aos moitos **escritores** que por nacemento e/ou sentimento teñen a **Terra Chá**

presente na súa obra:

Manuel María, Darío Xohán Cabana, Aquilino Iglesias, Xosé M^a Díaz Castro, Marica Campo...

A resposta á pregunta de por que a Terra Chá deu tantos poetas está ben clara nos versos de Manuel María: “ Ollada a Terra Chá desde as alturas/ é semellante a un mar en calma./ Para medila só valen dúas medidas: /¡ferrados de corazón, fanegas de alma!. Son, pois, os poetas chairegos agrimensores que, diante da inmensidade, caen na tentación de medila.



Eliximos para este roteiro pola Chaira a **ruta da auga**, que é un suave paseo pola natureza, historia, literatura e etnografía **do**

concello de Guitiriz

. Seguindo os pasos do poeta

Xosé María Díaz Castro

á beira dos ríos Parga e Ladroil, a ruta percorre o camiño que vai dende un singular lugar: a ponte de Santo Alberte, onde conflúen unha ponte romana, unha capela gótica e un destacado cruceiro, ata a Carballeira de Pardiñas. O sendeiro enlaza o Camiño Xacobeo do Norte coas tres fontes de augas curativas máis emblemáticas de Guitiriz: a fonte de Valdovín en Parga, a de San Xoán de Lagostelle, no imponente balneario de Guitiriz, e a de Santo Domingo en

Pardiñas.

Percorrendo esta ruta pasaremos o día inmersos nunha fermosa paisaxe outonal de ribeira, salpicada de interesantes elementos etnográficos: muíños, fontes, pontes, capelas, cruceiros, etc.

O roteiro ten un **trazado sen desniveis e unha lonxitude de 20 km** (pode acurtarse a 15 km) polo que pode considerarse de dificultade media.

Día: Domingo, 23 de xaneiro.
ás 9 h. Prégase puntualidade.
scindible anotarse chamando ao
679113718
ou ao
982240299.

Lugar de saída: Diante da Escola de Maxisterio de Lugo
Impre

Leva roupa e calzado axeitados e comida para o camiño. O bo humor é cousa de tod@s

PRÓXIMOS ROTEIROS DE ADEGA LUGO

20 Febreiro: Camín d'as Eiras

Taramundi

20 Marzo: "Toda humilde beleza me namora..."

Mondoñedo

17 Abril: Modelo Burela

Burela

29 Maio: "Feros corvos do Xallas..."

Costa da Morte

26 Xuño: "Vendo-os assim tão pertinho..."

Valença-Monçao